

新刊國朝二百家名賢文粹

新刊 國朝一百家名賢文粹卷第二百三

記

祠廟記七

道州濂溪先生祠堂記

南軒先生

宋有天下明聖相繼承平日久元氣育會至昭陵之世盛矣宗  
工鉅儒磊落相望於是時濂溪先生實出於春陵焉先生姓周  
字茂叔晚築廬山之下以濂名其溪故世稱爲濂溪先生春陵  
之人言曰濂溪吾鄉之里名也先生世家其間及寓於他邦而  
不忘其所自生故亦以是名溪而世或末之知耳惟先生仕不  
大顯於時其澤不得究施然世之學者攷論師友淵源以孔孟  
之遺意復明于千載之下實自先生發其端由是推之則先生  
之澤其何有窮哉蓋自孔子孟沒而其微言僅存於簡編更秦火  
之餘漢世儒者號爲窮經考古不過求於訓詁章句之間其於  
文義不能究時有所益然大本之不究聖賢之心辭而不章而

又有韻從事於文辭者其去古益以遠經生文士自歧為二塗  
及夫措之當世施於事為則又出於功利之末知力之所營若  
无所向於書者於是其有異端者乘間而入橫流於中國儒而言  
道德性命者不入于老則入于釋間有希世傑出之資懷膺排  
之而其為說復未足以盡吾儒之指歸故不足以抑其端而或  
反以激其勢嗟乎言孝而莫適其序言治而不本於孝言道德  
性命而流入於虛誕吾儒之奈其果如是乎哉陵夷至此亦云  
極矣及吾先生起於遠方乃超然有所自得於其心本乎易之  
太極中庸之誠以極乎天地万物之變化其教人使之志伊尹  
之志李顏子之志推之於治先王之禮樂刑政可舉而行如指  
諸掌於是河南二程先生兄弟從而得其說推明究極之廣大  
精微殆無餘蘊孝者始知夫孔孟之所以教蓋在此而不在乎  
他者可以至於聖治不可以不本於孝而道德性命初不外乎  
日用之實其於致知力行具有餘理而設邪淫遁之說皆无以

自隱可謂盛矣然則先生鼓端之功顯不大哉春陵之幸舊者  
先生祠實幼與某年向侯子忞所建至于今淳熙五年趙侯汝  
誼以其地之狹也下車之始即議更度之為堂四程併二程先  
生之像列於其中規模周密稱其尊事之實既成使來謁記某  
謂先生之祠凡學皆當有之豈惟春陵特在春陵尤所當先者  
趙侯之舉知急務矣故為之論述如此以告後之人

### 三先生祠堂記

南軒先生

淳熙二年靜江守臣張某即李宮明倫堂之旁立三先生祠濂  
溪先生在東序明道程先生伊川程先生在西序繪像既嚴以  
六月壬子率李之士俯伏而告成退則進而訟之曰師道不可  
不立也久矣良才美質何世無之而後世之人不立如  
者以夫師道之不立故也凡所謂士者孰不曰以孔孟為宗然  
而莫知所以自進於孔孟之門牆則亦沒世窮年張侯然如旅  
人而已幸而有先覺者出得其傳於千載之下私淑諸人使學

者知夫儒學之真求之有道進之有序以免於異端之歸去孔  
孟之世雖遠而與親炙之者固亦無以相異獨非幸哉是則秦  
漢以來師道之立宜莫盛於今也而近世學者誠知信慕者蓋  
鮮間有焉為推尊則又或竊虛譽以自高而不克踐其實願反  
以為病是則師道雖在天下而學者亦莫知其立也桂之為州  
僻處嶺外山拔而水清士之秀美者夫豈乏人惟見聞之未廣  
而勉厲之無從故某之區區首以立師道為急繼自今瞻三先  
生之在此祠也其各起敬起慕求其書而讀之味其言考其行  
講論細繹心存而身履循之以進於孔子孟之門牆將見人才之  
作與與離江為无窮矣此某之所望也且獨不見濂溪先生之言  
乎師道立則善人多善人多則朝廷正而天下治嗟乎其之所  
望又豈特於邦之士云哉敢記而刻諸石

涪州伊川先生祠堂記

箕山先生

堯舜禹湯文武周公其道若相授以傳孔子盛矣而至於子學

之後幾於屢絕而復興嗚呼聖賢不常有而道之難行也本朝  
蓋自柳仲塗氏始起五代之創殘以復古之文諸儒繼承承  
及程氏兩先生出則汪洋大備矣正叔氏常放于涪陵郡即其  
此山之浮屠精舍以居惟其不得施於事則覃思於易而為之  
傳所以立於世者大矣其放之非人力也天將以極乎窮達得  
喪致其所以大也於是乎鉤其深幽而肆其闊大哉揮頭白使  
天下後世較然信其易能而易知則茲地宜其風俗之厚哉願  
不祠於校官而獨圖像於其精舍是若放之也紹興三十年夏  
四月轉運判官廣都費公入境固莊其地卑陋而民習貿畧其  
在職方之版圖將踰三百年浸濡重沫卒不能化以一乎道德  
由其民不向於孝也程先生幸嘗辱吾部誠表而立之校官庶  
夫民識六軌範也其屬潁川晁某曰先生惟古之孝非今之所  
聞孝也古者天下之民四而以士率之則礼義廉恥成於下故  
三代以士為重其井田其學校所以處其士食其士也有以處

其士不至於無所歸則知自重有以食其士不為窮所匹則知  
自貴當時不敢以利祿待之以素有其貴且重豈須於利祿也  
哉世必有伊尹傳說呂望之徒然後與之共天下非寵以爵位  
而自我三公之也平居所用八鄉大夫之家前以重服後以斧  
鉞刀鋸吾則不敢以此待士士知上之人其重我其貴我不在  
彼而在此超然輕富貴及其力於孝不過九年而大成求為強  
力而不反以稱其為士孝而至於斯足矣然亦先其難焉何獨  
難乎後世之為士也無田於野以處之而孝校又不足以取  
之則出利祿以勸而人皆有爭心以思勝於衆則昔之禮義廉  
恥壞而吾部素為卑陋賈豈又當如何也今不篤告以先生所  
孝而徒嚴立之其猶无益焉公曰然碑刻其語以告吾部云

雅州雷蘇賢範堂記

李士部

搢紳士大夫論吾蜀二千石之有能名者輒以雷公簡夫為稱  
首公自至和初以殿中丞知雅州抵今九十有五年而邦人被

服其化子孫傳誦之猶綽綽然如前日事先是眉山有巨儒蘇  
洵者以高明博大之學崛起於千百載間衆莫孰何之以公有  
知人之鑒拙其所著洪範論及權書等文即公府上謁公旋復  
迎之徐閱其文嘆曰真王佐才也其子偕來因命題使賦  
之頃刻立成詞氣涵湧衝射筆端公大驚曰岷峨英靈盡在是  
矣顧其才力桀驁橫放逸出是豈彫虫篆刻所能束縛之哉即  
館之公舍朝夕与之周旋上下講明古今治亂之要領而薦其  
文於張益州方平韓魏公琦歐陽文忠公脩朝廷官之曲臺使  
討論大典而二子至京師俱登進士科相繼連名為制策奎章  
聲焰震撼立朝謀國忠義慷慨隱然為一代偉人則公實推轂  
之夫自昔稱知人為難能而謂薦賢為盛德事今公皆優為之  
然則一時盛名不公之歸而將誰歸哉郡舊有堂曰雙鳳為二  
蘇設也繪其像於兩壁然不帳不龕裸獻無所大守間燕客其  
中輒以布幕綴蔽之庸卒賤吏旁等肩立笑語蕩突褻瀆甚矣



丑老泉先生及殿丞公之像闕然不具夫尊其子而遺其父不可也況平生特達知己乃不得參筵豆之列其又可乎於是甕地東北隅敞為祠堂三楹七架廣袤各二丈八尺有奇臺其前植花卉斬去惡木弗除葦榛自雙鳳堂後少折而入才二十步許莢瑄軒豁無一物礙眼者乃取四公之像圖之褒衣裁冠劍佩相磨主賓容与凜乎其有生氣觀者肅然屏氣絕息不敢臆意噓咳於乎其嚴哉堂成於紹興十八年十月既以落之遂從而書之曰雅之爲州處西南極微地瘠而人貧編戶賦輸井邑之富等自邛以東諸郡不當十之四而人情士論頗自挾負行行焉不少爲之屈雖前後太守亦安樂之不以爲陋蓋以雷使君嘗官於是邦也雷使君以布衣召仁廟器之將遂大用而爲當國者所沮止流落州郡晚入貳三司卒无大功業表見於世而聲稱藉甚蚤歷時之久猶使人不能忘蓋以其首識蘇氏父子而薦達之也然則雅以雷使君爲重雷使君以蘇氏父子

爲重僕老矣才不爲世用分符此土猥續前人之後殘膏賸馥  
實幸沾丐崇善館宇用光昭令德之万一豈亦將託是以爲重  
乎嗚呼思其人之賢而不得見眼瞶遺範寤寐不忘故作堂而  
以賢範名之非但謹奉嘗於春秋庶幾勤步武於夙夜息黜補  
劓力自刻責無廢律詭道以貶罪禍而辜邦人之望此僕區區  
之心也若謂僥倖託此以爲重則僕雖固陋寧忍自欺而更以  
欺人哉始同官請以土木之質爲操盤匝奉杖履者置室之隙  
以脩給使曰固也願汗浹穢濁不足以塵珠玉薦隼而接翼爲  
鳳雖凡禽亦知疾之吾何以安卒止之月日李某記

司馬溫公祠堂記

宛丘先生

盛德之不作于世久矣古之所謂盛德者不施而民服無事而  
民信未嘗動顏色見詞氣而天下從之若子弟之慕父兄故其  
爲功也不勞而物莫之禦三代之後聖人不作而士之能有所  
立于世者亦多矣然皆費心殫力招天下而從之以其智勝之

而後能成者真是何也德不足而取辦於其才故也故其所建立  
勞苦而淺陋夫豈不欲為盛德之事哉蓋其所積者有不足故  
也子產君子也猶曰唯有德者能以寬服民其次莫如猛夫子  
產豈欲為猛哉以謂德之効實難懼夫好高之難成也是以甘  
心于其次以求夫無失嗚呼德者子產之所難而況其下者乎  
自秦漢而後更千有餘歲而盛德之士不作蓋無足恠惟司馬  
公事君而君敬之末嘗求民而民興之非其類者有不合而無  
不信受其罰者有不悅而無敢謗其自洛入觀也郡邑田里至  
於京師觀者千方環聚嗟歎至于泣下嗟乎此可以言語術智  
得之哉故其相天下也因物之所利而興之因人之所厭而更  
之從容指麾內外變應而天下無事矣蓋自秦漢以來至公而  
盛德之効始見于世可謂盛矣嗚呼當大事處大疑勇者招敵  
智者召謀惟有德而後萬物服則夫二聖之所以用公其可知  
也夫

陳諫議祠堂記

龜山先生

建中之初右司諫陳公瑩中諫蔡氏兄弟許言竄嶺表公之南  
遷不以其罪舉天下憤惜之無敢言者名執黨籍餘二十年轉  
徙道途無寧歲卒以窮死初京為翰林學士承旨以辭命為職  
潛藪隱匿未形於事雖位通顯世之人蓋莫知其非也公於是  
時力言京不可用用之必為腹心患宗社安危未可知也聞之  
者往往甚其言以為京之惡不至是已而陰結嬖倖竊國柄矯  
誣先烈怙寵妄作為宗社禍悉如公言於是人始服公為著龜  
也昔王公安石以學行負時望神宗皇帝引參大政士大夫  
相慶於朝謂三代之治可以立致呂公獻可獨以為不然抗章  
論之雖文正溫公猶以為太遽欲獻可姑緩之未幾多變更祖  
宗故事以興利開邊為先務諸公雖悉力交攻之莫能奪其流  
毒至於今未殄也故溫公每謂人曰獻可之先見余所不及心  
誠服之余以謂公之於京言之於未用之前獻可於文公論之

於既用之後則公之先見於獻可有光矣二公之言蓋異車而  
同轍也靖康中朝廷欲盡復祖宗之舊而一時故老無在者天  
子念公之忠追謚諫議大夫官其四子所以寵嘉之甚厚此非  
私於陳氏蓋將以風勵臣節也而公之邑人乃相與即縣萃為  
祠堂以奉公祀堂成屬余為記余曰公之德也足以澤世垂後  
雖不用於時而其流風餘韻猶足以立懦夫之志蓋天下士非  
一鄉可得而擅也然居今之世所離擯乎其施不廣而邑之士  
大夫誦其言尊其遺伏節秉義繼其風烈時有人焉則功旌於  
其鄉為多矣古者有功於人則祀之貝公之祠當載之祀典以  
遺來世是宜書乃為之書

四令公祠堂記

蘭陵孫公

余嘗讀國史見秦國陳公以直尚事太宗皇帝位不滿德卒官  
諫議大夫知開封府挺生三傑大元厥宗皆以道德文學踐大  
官為將相曰堯叟尚書右僕射同中書門下平章事是為文忠

公曰堯佐特進尚書左僕射是爲文惠公曰堯咨武信軍節度使知樞密院是爲康肅公一日秦公與客語時三鉅公已貴立侍公側坐客踉蹌不安求去公笑曰此兒輩尔姑徐之盡所欲言者於是吏官記之天下誦之而陳氏父子兄弟世家之榮至今以爲口實至道丙申文忠公嘗以廣西轉運使平南蠻之亂洎紹興癸丑文惠公之曾孫充以右朝請大夫直秘閣廣南西路計度轉運副使繼公後蓋百三十有八年矣直閣公能以儒學世其家群書皆成誦尤通吏道精練法律頃由臺郎婁將使指招來廣右益有能名及是訪公之遺典在者獨有新館銘石刻僵仆草棘中文忠公征蠻時吏士蒙犯瘴毒多死手自撰集古方善養生之說刻之傳舍一方蒙賴故能獨存而歲久亦訛缺直閣公慨然念物故之亡幾遂拔小碑而起之又追補方書之毀壞者龕于故廬即聽事之東闢室三楹繪秦公文忠公文惠公康肅公四公之像而祠之其貶象江還過桂林拜謁祠下

生氣凜然如太山喬嶽之鎮真古所謂大且者余與直閣公二十年之舊且厚善也乃屬於不腆之文而不敢辭共惟太祖太宗是三尺則除儲亂真宗仁宗包干戈以文太平聖哲並駕出依日月之光獨秦公三子以魁壘碩大光明之傑作配元聖以身用舍為朝廷輕重交持國鈞更掌兵柄一門冠冕蟬聯三鎮旌節相望佐佑兩朝以功名福祿始終為天下巨室於寧威矣王室中微群黎厭亂天子當饋大息求人如不及切觀四公遺像追想一時社稷之高勲於此兵亂收擾之中固宜見者必超過者必武飲食者必祝焉豈謂學士大夫區區念祖之私哉於是書之以告後之君子俾勿壞紹興四年十月日晉陵孫某記

武寧縣山谷先生祠堂記

洪內翰

德著一鄉文成一家命局一官而聲重一代身雖已往其流愈光里之人尸而祝之社而稷之禮也聞者歆焉於傳不宜莫為於後將迹絕響滅迨於自遠日忘而已耳此山谷先生之祠堂

武寧所為作也距縣百許步有龍潭院先生嘗過之主僧文  
開軒當積雪初霽前望嚴陽山群木參天神宇頓豁於是  
曰廣心立扁識壁遭黨錮魔厄扁折攘夷未及百年離離故址  
殆不可復識獨壁間大字五十石刻僅存紹熙辛亥邑長陽  
將方慶賊政越歲矣治勦以紮置民於安封內無齋可剔乃采  
合衆志復此軒建屋三楹用儉集貲訪先生肖像於宗家繪  
堂上寒泉薦菊奉旨旦暮慰箕斗華松之仰而外不與知黃氏  
占數脩水之雙井其隸曰分寧二邱本一邑軼業耆舊相為  
崇香火之荀在此由在彼尔嗚呼天下是非常公於身後先生  
瑰琦之文妙當世孝友之行配古人蘇長公愛之重之同時名  
勝略相推第願自以為莫及而事與時忤頓撼扣檻流連館下  
臺榭寸迂擢財秉筆螭頭又不使拜受郡甫入境即以罷聞在  
史官書鐵龍爪事謫黔徙我記承天塔院竄宜州死翰墨洛人  
家隨輒掃空讀其書者或牽聯得咎于斯時也夫豈豫卜異日



顯晦哉天定勝人中興聖公道提邃職美秩貴諸九京且召貴  
其甥孫學士大夫益知所鄉挹然區區一軒到于今乃得還舊  
觀吁亦難矣令君使來謁記且將丐巨揭於章荊州此軒之傳  
當久久勿替後之君子盍相與主張之三年正月二十三日記

昭州吏部侍郎鄒公祠記

南軒先生

故尚書吏部侍郎鄒公諱浩字至完學者稱爲道鄉先生而不  
敢斥其名在元符中爲右正言以直諫顯聞初貶新州建中靖  
國之元年入朝爲天子從臣崇寧二年又貶昭州處昭凡四歲歸  
沒於常州其立朝大節載在史官播在天下固有不待紀述而  
傳者其獨貴謂人且不以犯顏敢諫爲難而忠誠篤志之爲貴  
士君子不以一時名節爲至而進德終身之可慕者公始所論  
諫蓋亦他人之所難言而考其平生辭氣曾微一毫著見再立  
於朝憂國深切重斥炎荒凜不少沮至於病且死語不及他獨  
以時事爲念方其少時道學德義已有稱於世歲晚益爲出外

所尊仰而公不居其成講究切磨唯是之從蓋嘗從伊川程先生論學而一蒸謝公良佐龜山楊公時皆其所友也其任重道遠自強不息如此所謂忠誠篤實而進德終身者若公非邪故某樂爲天下後世誦之淳熙二年秋清江王先祖爲昭州道桂問政所宜先某告以道鄉先生富有祠蓋圖之則應曰諾明年春使來告成且曰郡故有公祠紹興中守臣陳廷傑所建荒蕪久矣願其地卑陋亦不足以奉丞嘗按郡城之西北有所謂得志軒者公所嘗游歷也下臨長塘曰木梁廣數十畝群山環於前其秀曰龍岳舊爲郡士張雲卿之居公實名而記之棟宇今無復存者乃即其舊地屋四楹繪公像於中明庶悉具又葺茅其下俾張氏之後人居而卅守之敢請記其既爲之書而且有感焉國家列聖相繼以納諫容直爲家法人臣雖甚懼亦不至如前代加以重辟間有暫貶徙者旋即復還且又進用俾得以名節始終願扶持公論培固邦基雖有賴於多士之助而其

長養成就實非一日皆自列聖深仁厚澤中來也聞公之風者亦復有感於斯乎

資州龍水縣內翰范公初堂記

金華先生

紹興壬申冬十一月初八日資州龍水縣初堂以祠故令華陽范公淳父既事今令眉山程敦本以人士之請謁文於其兄某以記之惟公自龍水即從溫國司馬文正公之辟同編修資治通鑑凡十有五年書成文正奏疏論公學識操守之美甚備曰臣誠不及也由臣頑固累次淹沒致其沈淪而安恬靜默若將終身然後得祕書省正字於是可見公矣元祐末公入翰林為學士竟以言不合遂力丐補外而去至紹聖初議者以公附會文正變更熙豐法度貶永州移賓州再貶賓州又移化州以卒上中興乃追復公龍圖閣學士為庫堂額之禍邪籍之禁皆激於君子公於是時蓋已知之曰聖人之道不過得中天下之事不可極意而一時大老察微慮遠如忠宣范公黃門蘇公皆

有是言也及調亭之策行則遂引君子小人使之並進而君子固不勝矣夫黨錮解而黃巾已張邪籍弛而兵燹已結小人之孽國其禍未有烈者而所以爲公願肯置休戚於禍福死生之閒哉則公蓋無恨也方公之令龍水距今幾百年當時之民無復在者斯堂之作豈獨使後生之不忘於以孝德慕誼父兄相教詔夙夜砥節礪行莫敢爲非期無媿公而後已酌水薦公尚不耻也公諱祖禹字淳父有傳國史此特著其足以詳表萬世者其他蓋略云明年癸酉夏四月二十三日記

新刊 國朝二百家名賢文粹卷第一百二十四

記

寺觀記一 宮祠附

彭州圓覺禪院記

老泉先生

人之居乎此也其必有樂乎此也居斯樂不樂不居也居而不樂不樂而不去爲自欺且爲欺天蓋君子恥食其食而無其功恥服其服而不知其事故居而不樂吾有吐食脫服以逃天下之譏而已耳天之畀我以形而使我以心馭也今日欲適秦明且欲適越天下誰我禦故居而不樂不樂而不去是以心且不

能馭其形而況能以馭他人哉自唐以來天下士大夫爭以排釋老爲言故其徒之欲求仕於吾士大夫之間者往往自叛其師以求容於吾而吾士大夫亦喜其來而接之以禮蓋師文甥之徒飲酒食肉以自絕於其教嗚呼歸尔父子復爾室家而後

爾爾以叛爾師父子之不歸室家之不復而師之叛是不可

以一日立于天下傳曰人自無外交故季布之忠於楚也雖不  
如蕭韓之先覺而比丁公之貳則爲愈季在京師彭州僧保聰  
來求識其勤及至蜀聞其自京師歸布衣蔬食以爲其徒先  
凡若干年而所居圓覺院大治一日爲予道其先師平潤事與  
其院之所以得名者請予爲記予佳聰之不以叛其師悅予也  
故爲之記曰彭州龍興寺僧平潤講圓覺經有奇因以名院院  
始僻不葺潤之來始得隙地以作堂宇凡更二僧而至乎保聰  
聰又合其鄰之僧屋若干於其院以成是爲記

重修悟真塔記

范忠文公

佛教之被中國源於漢派於晉魏波潰於齊梁大率以慈悲定  
慧空寂寂報應覺民於善者也唐會昌中始惑趙歸真之言於是  
毀祠焚書薄上其田畝歸其徒之議行烈如火炎山礫石煨燼然  
後見其王也寢陰殺節林木枯槁然後悉其松也大教中否津  
梁不通然後觀其人也定蘭禪師蜀之開士其先氏族不記聰

悟敏博精進勇猛居然一理之密對夫群動之獲身者生之具  
離具故即真我則視身如虛空心者性之實趣實故無得我則  
用心以平等至有拭目支解忍垢含辱以濟夫衆生者噫鷹鷂  
之忿鷙蚊蠅之噪聚雖然蓋師之相烏能以給諸蓋有為而為  
之也其會昌之際夫佛日再中揮戈有自法雲廣覆觸石在茲  
宣宗嗣位奮獨見之明矯前日之過寢廣祠宇稍嚴像設延致  
轂下召見禁中上嗟異之遂有紫方袍白金瓶之賜命翰林李  
士鄭虔誨爲之贊待詔張幼璋圖其儀仍許歸里置伽藍一區  
曰聖興特出家者百五十人賞過寵嘉恩札深渥以大中七年  
二月八日寺成復火右臂更不飲食至二十三日夜中儼然化  
滅弟子有緣以其年十一月六日遷少建塔於寺東老少號慕  
遠近悲感吐突中尉士隣以狀聞勅謚曰覺性塔曰悟真非大  
丈夫之勇敢悟脫疇至於是夫昔紀信詐降以自焚其大漢之  
興也子胥敢諫以賜死其公吳之滅也如師者覺王之忠臣乎

服儒則當与若人遊矣後百七十有八載沙門守班重新師塔  
求請予誌其詳則鄭已薨矣姑言教之中興師有力焉亦庶幾  
依違罔獲食坐榻日以馳趣聲利者聆師之風識所休息爾

大悲閣記

東坡先生

牛豕以爲羞五味以爲和林稻以爲酒麴蘖以作之天下之所  
同也其材同其水火之齊均其寒燠燥之候一也而二人爲  
之則美惡不齊豈其所謂美者奇以數乎耶然古之爲方者未  
嘗遺數也能者即數以得妙不能者循數以得其略其出一也  
有能有不能而精粗見焉人見其二也則求精於數外而棄迹  
以逐妙曰我知酒食之所以美也而略其分齊捨其度数以爲  
不在是也而一以意造則其不爲人之所嘔棄者寡矣今吾李  
者之病亦然天文地理音樂律曆宮廟器服冠昏喪祭之法毒  
秋之所去取礼之所可刑之所禁歷代之所以廢興与其人之  
賢不肖此孝者之所宜垂力也曰是皆不足李孝其不可傳也



書而載於口者子夏曰日知其所亡月無忘其所能可謂好學也。已古之學者其所亡與其所能皆可以一二數而日月見也。如今世之學其所亡者果何物而所能者果何事歟。孔子曰吾嘗終日不食終夜不寢以思無益不如學也。由是觀之廢學而徒思者孔子之所禁而今世之所上也。豈惟吾學者至於為佛者亦然。齋戒持律誦其書而崇飾塔廟此佛之所以日夜教人也。而其徒或者以為齋戒持律不如無心講誦其書不如無言崇飾塔廟不如無為其中無心其口無言其身無為則飽食游嬉而已是為太以欺佛者也。杭州鹽官安國寺僧居則自九歲出家十年而得亞義且死自誓於佛願持律終身且造千手眼觀世音像而誦其名千万口病已而力不給則縮衣節口三十餘年銖積寸累以近于成其高九仞為大屋四重以居之而求文以為記余嘗以斯語告東南之士矣。蓋僅有從者獨喜則之勤苦從事於有為篤志守節老而不衰異夫為大以欺佛者。

故為記之且以風吾黨之士云

中和勝相院記

東坡先生

佛之道難成言之使人悲酸愁苦其始學之皆入山林踐荆棘  
蚍蜉裸袒雪霜或剗割屠膾燔燒其後以肉飼虎豹鳥鳥蚊蚋  
無所不至茹苦含辛更百千萬億生而後成其不能此者猶棄  
絕骨肉衣麻布食草木之實晝日力作以給薪水菑蔭莫之持  
膏火薰蒸事其師如生務苦瘠其身自身口意莫不有禁其略  
十其詳無數終身念之寢食見之如是僅可稱沙門比丘雖名  
為不耕而食然其勞苦卑辱則過於農工遠矣計其利害非僥  
倖小民之所樂今何其奔家毀服壞毛髮者之多也意亦有所  
便歟寒耕暑耘官又召而役作之凡民之所患苦者我皆免焉  
吾師之所謂戒者為愚夫未達者設也若我何用是為矧其患  
專取其利不如是而已又愛其名治其荒唐之說攝衣升座問  
答自若謂之長老吾嘗究其語矣大抵務為不可知設械以應

敵匿形以備敗窘則推墮混漾中不可捕捉如是而已矣吾  
西方見輒反覆困折之度其所從遁而閉塞其途往往面頰發  
赤然業已為是道勢不得以惡聲相反則笑曰是外道魔人也  
吾之於僧慢侮不信如此今寶月大師惟簡乃以其所居院之  
本末求吾文為記豈不謬哉然吾昔者始遊成都見文雅大師  
惟度器宇落落可愛渾厚人也能言唐末五代事傳記所不載  
者因是與之遊甚熟惟簡則其同門友也其為人精敏過人事  
佛齊衆謹嚴如官府二僧皆吾之所愛而此院又有唐僖宗皇  
帝像及其從官文武七十有五人其奔走失國與其所以將亡  
而不遂滅者既足以感繫太息而畫又皆精妙冠世有足稱者  
故強為記之始居此者京兆廣寂大師希護傳六世至度簡簡  
簡姓蘇氏眉山人吾遠宗子也今主是院而度亡矣

光州開元寺修大殿記

穎濱先生

古之循吏因民而施政有餘者損之不足者與之興其所欲而

廢其所患苦順其風俗之宜而吾無作焉故文翁治蜀立之學  
官罷遂治渤海督之耕牛衛朔治桂陽教之嫁娶充代涇海  
之織屨此四人者非其強民也民之所欲而莫為之勸時時相  
親不能以自致非得賢長吏以時挈持而振理之使之得其所  
願以相生養則民至老死不見風俗之備然而蜀之學官施之  
齊魯之邦則玩渤海之耕牛試於邠郃之野則厭衛之嫁娶矣  
之織屨行之華夏之國亦未免於非且笑也故為治者亦觀其  
俗乘其時使民宜之蓋無所必為亦無所必置也弋陽郡居長  
淮之西地僻而事少田良而民富朝散大夫彭城曹公受命作  
守因俗為政安而不擾誅其豪強而佑其善良民化服之始至  
訪其士民間其所欲為咸曰吾郡既庶且富所不足者非財也  
而浮屠老子之宮室貌像碑陋廢圯民不信向父兄竊議以不  
若四隣為愧而莫或先也公曰是無難也民所不欲吾不敢為  
苟誠欲之不成非患也乃召其徒而語之故民勸其令相帥從

事未三年而有成天慶道王治三清北極聖祖殿清淨殿  
朝謁有所而開元僧明偕新其大殿超功勳力先告工具使楹  
嶮峙瓦甍緻密爲佛菩薩衆像尊嚴威嚴儼然在世士女和會  
耄孺咸喜稽首祈福如慰如慕蓋殿始作於至道丙申而復新  
於元豐癸亥中間寂寥八十八年然後民獲就其志嗚呼循吏  
之疎闊而政之難成其父如此明偕知民之慨故以告於公請  
記其事而刻諸石公以書來屬余余考之循吏傳以爲當書故  
記之不辭五月初五日記

新修雙塔廟記

龔待制

永嘉開元寺有雙塔者唐咸通中沙門法端所建也治平初城  
中大火夷爲煨燼後四年有僧善言可及者同募民財爲地宮  
以金銀等函置法端所藏古佛舍利二十二粒前起殿上建屋  
五層簷牙飛動欄楯甚設凡費錢三百餘力五年而後成而有  
才者乞余爲記余以爲應機說法即物明心亦一時也乃係文曰

佛子汝當知是塔之所成土木隨工機是為緣法起塔相本來  
虛乃以諸緣就是法實無相亦後無有生雖積有為功當躬元  
寂滅無取亦無舍覺即是菩提塔相不現前妄想无餘身心空  
無所住是為涅槃門約說已繁與深言法無盡方來瞻禮者當  
作如是觀

吉州慈恩寺仁壽塔記

豫章先生

吉州東山慈恩寺治平皇帝賜名也寺有江南李氏保大中刻  
石曰龍興寺而高僧傳言仁壽舍利塔在發蒙寺寺三坊名其  
歲月皆失歟識其傳曰隋文皇帝方隱約時有異人以舍利一  
掬遺之曰以此福蒼生因忽不見帝以示僧曇遷置堂中閱數  
日數有盈縮遷曰吾聞法身過於數量非世智所及此未可量  
有足智僂數太言人以為狂而不信陰謂帝曰象教湮沉一切  
鬼神皆西兒當父母天下其後周失其收隋文受命仁壽改元  
迺詔分舍利三千置浮圖於天下高爽地所置皆發祥下瑞三

年又以所餘舍利五十有三分置五十三州皆選有道行僧  
護至其州卜吉地為浮圖吉州發蒙寺其一也實以西京光明  
道場僧慧覺將命發地八尺得豫章版古甃壁中置銀瓶金  
刺觀者皆震動唐天祐中夜雷雨大晦冥微明視之浮圖左旋  
殆且盈尺故其宛然不相函蓋非人力所及靈瑞傳聞崇奉傾  
數州由天聖以來屢見光景志怪者或過其實而曲士持謬以  
為無是道彼倏詫謫恠沐俗喜傳無以為有寔見溪聞又載耳  
目之外謂之不然故曰夏蟲不信冬霜齧雖斷無天地彼何足  
論大方之家故必考實錄遺主塔僧師惠以告來者師惠喜事  
有經論學樂以余言勒之金石

洪州安龍山兜率禪院記

徐中丞

大小異形酸苦異味青綠異色脾臟異氣而肝膽雖連據然楚  
吳之不相與矣形无形味无味色無色而同乎未始有氣則雖  
然万物之分聚乖隔雖燕之又北越之又南而不啻也者其不

固爲通達之中央乎然則無形也而凡形者麗焉无味也而凡味者嘗焉無色也而凡色者著焉未始有氣也而凡氣者行焉語之茫乎其不可終窮索之杳乎其無能狀然齊湔而祈禱之以爲恍惚神變循復而躰之近存耳目口鼻之所終曰接而運者當出道相全而天下德業之本無二而學者自刻其志以應世雖適道之地或德之器遠近小大參然不齊而其本則一出諸此而已其謂之士志此而學之者其謂之賢學此而得之者其謂之聖得此而忘之者父子夫婦之仁兩而達之於草木鳥獸視聽思慮之精兩而察於天地神明自塗之人可以與知能行而充之極於天下之所莫能知莫能行者比其歸也又所謂甚易知甚易行者焉是故天人異位而通方殊殊性而同即理而蔽之无事說理果異於事乎即事而陳之无理說事果異於理乎道術列矣世唯域於形味色氣之別而衆流自衆之學出焉非皆忘已也以事已則植珠置塊非皆絕物也以事物則投



續獻禽弊弊於耳目所及而浸革乎晝夜之變其能該其大凡  
乎於斯之時高語之而驚卑語之而瀆卑語之則疑曲語之則  
亂而莊周之徒乃欲爲書以糾集其散縱言旁演四達期以闢  
鑿而會通之愈非世之明也祇異以爲道家之法其又裂也而  
佛法始入於中國告欲惡論縱者以禍毒還報告私媚群者以  
物我禪形告役制耳目者以身色本生告循量器局者以山林  
互納告悲性但化者以本無生死告苦志修潔者以諸行無常  
告缺裂空虛異者以性相平等告益學廣識者以見性而足其書  
歷世而後備其言累譯而後達命號稱譬非所聞之名義覽規  
矩非所習之制雖至寶也而俗視之則誕雖至要也而俗視之  
則迂此其勢豈能一日立于天下然千餘年來與世而進絕金  
壁丹雘不寶凡蠢如初成煥如流動以奉其遺而世無侈厭情  
者指力營者施財而其徒獨能建立於苟偷之世豈衍於賈乏  
之日被其服者擇夫過而色柔唱其言者童子聽之肅然非公

明其所以爲術也而生則歸命誠向之死則聚族哀祈之自在  
位而達無有卑賤自中國而達無有夷貊嗚呼豈必有心有命  
者之所係而雖或自暴自棄無能絕其心命者乎抑其徒調柔  
靜專足以信世競之俗而強果幹偉足以篤象說之行乎不然  
何屑於世若斯之固也分寧安龍山之覽率禪院肇荒於唐咸  
通中惠目師崇修於國朝開寶中契仁師而構續於天聖中可  
新師今長老無證禪師既至承可新之適弊乃日崇像集徒是  
究可圖掃其弊盡去之徒而据北山之正九崇闢繪飾四倍於  
舊而取於衆者以錢計才五十餘万而止心無與其役者屋其  
楹計其間二百有可工以歲計自庚戌歷庚申其窮勞也風雨  
霜雪之所暴露而爲痺眩緩柔之疾者數四而不悔分寧僻邑  
也而有龍安龍安而有堯寧計其爲院於天下太倉之稗也而  
承承者強果幹偉每如是則像數之在中國豈世力所能發興  
哉證之某既就過檀而請曰孰知夫爲幻妄而不得不力於標

迹乃諸佛所以付囑護念字像之嚴期繼者焉不以繼不繼  
功乎教莫來於文而文之有功莫善於今日佛法不幸出於三  
代之後不見施於聖人事功之實世徒以情志析信之而不中  
其惡拘柔礙空以自絕於世業者甚衆今天子道德明學遠播  
王之汚而輩績周夏其在位君子敦義必德達空有之觀而奉  
命承教以宣於制作之業此佛法之寓乎世解十號之一也於  
是而有因吾建院而又記焉長使後世無惑故敢以此請禧笑  
而復之曰三代而上其君臣之所施民物之所聽者何邪而又  
有謂佛法者烏乃道之所以爲二本矣人固有道領而賀之可  
乎法之東也豈不謂時今時猶三代矣而淨署者終淨屠則建  
院之事可以記可以无記聽師之請而亂之乎則欲聞禧言之  
急者在師今日之徒也何後世云哉何後世云哉故陳序理事  
之所以變復告焉元豐五年正月九日記

東林太平興龍禪寺記

黃尚書

佛祖教宗必有所付託而後去因緣而後起願瞻而後住乃著  
於世其要有三曰時曰人曰地人得時故行地得人故用常相  
待而濟焉公卿大夫運時者也其學苟能脫卑污陟高明遂見  
孔子佛老論道之本同歸而一致佛老之所詳孔子之所約服  
味器用動靜語默未嘗同者各隨其時各因其方而然也自得  
者由約而見佛得於人者即詳而後知孔子雖然知之者感慕  
矣無所得者以爲儒其衣冠必不可以學佛當叛孔子而爲之  
此昧者之見兩名雖尊佛其實異之也要在方寸之中正一念  
而悟焉無所性而不爲佛何必慕其名迹而後至哉治平元祐  
之間學士大夫有得於此者類能爲佛之徒擇術而進之去弊  
而利之相望於天下始者其徒例安於律居凡十八九名律而  
實廢父子代更湏利乃合是非相刑憂喜自傷不能等物以道  
覺道以性飲食之味陰陽之情甚與流俗生聚無以異也於此  
稍稍易律以禪更監寺以長老學使一師居使一堂食使一師

與居同時取捨同事一就其檢束與容私而實情其  
間而入輒亂其衆其勢必至於為導我龍之生見以正發  
以虛致明遂可以成道非細道也其功之與國無二大者  
師以律居至今七百有餘歲其間雖經變遷而中遺風流  
澤不足以吹揚微塵洗滌其後世之惡習也其功之大矣元  
豐二年轉運司棟高人大士能為一切有生者居  
焉遂得廣慧于寶峯盡禮而致一其功之大矣元  
集不誓而志立昔者為房五十各其功之大矣元  
權者不必扶壞者不必修故者不必公其功之大矣元  
用羣材之資備而後為之是終乎其功之大矣元  
合為之施者不待化為之化者不待道若無足為者六年之五  
月天子起師住大相國寺智海禪院從僧司之舉也師曰基構  
之作六年於此矣為山九仞功有所虧猶不可為況未之逮哉  
遽而去之非所以計吾事也且吾方以兼忘之道期衆生偕往

今引於羣物盛麗之會見不可欲則彼事道之心烏知其有不  
動者耶非所以慮吾衆也再辭而免遂盡其心焉其為徒也頗  
有厨澡有室事有寮物有庫雷震龍吟起於未溜間大衆環繞  
跂仰欲襲其形殷而不可得則法堂之高明也振錫于林促席  
于牀來無所從去無所逐如雲集空雲益多而空有餘則僧堂  
之宏深也沉煙數縷卷舒黃卷得意而忘言煎聲亂泉不能輟  
撓其所樂則經堂之虛寂也連楮列礎悠悠緝直交臂而往迺  
觀而漸微者廊之脩也樞中之運止山中之朝暮廉隅翼然並  
進而皆達者門之偉也其為佛也或現諸天則尊而事之有閤  
或降于地則親而事之有殿羣寶衆華朱丹翠碧周遍名象殊  
色相照以示聖人出於清淨不染中然後種種莊嚴不求而自  
至焉發揚至聲下悟群聽則為之鍾樓流轉大法應世无滯則  
為之輪藏是其所建者也以間計之今至乎一千有奇矣寒松  
勁枝盤託泉環漸深而密移森然有凌雲之勢龍蛇之狀不畏

雪霜之色義夫志士之態蟬聯風雨時與山禽流水幽韻相  
是其所植者也以枚計之今至乎二十方有奇矣諸山學人翻  
然而有改曰仙廬之北聞道之所在囊子肩屨子足振錫而來  
遊不知有度崇嶺穿長林冒寒暑煙霧之爲勞也啓于堂請于  
室或者未能得於眉目之間則退而定自反而戒默聽明剔塵  
垢期於與道會焉是其所以教者也以負計之今至乎七百有  
幾矣是故師之慈悲智慧流傳於四方貴人逸士望風而敬之  
如謝靈運羅什之敬遠師也想見其德表 今上即位之四年  
歲行戊辰仲春之七日勅改興龍禪寺從禮部之請也越孟夏  
廣慧書來致余文而余竊謂東林所以得名於世豈特征人迹  
旅道出林下解鞍息駕尋幽而自適愛夫濯我纓於清溪栖吾  
神於寒嵐步垂影於林飛幽題於峭壁蒙寶地以崑溜既掃  
汗而揚清奏鈞天以塊窅既破寂而還無接高人之相迎稍小  
智以誰爭運芳茗於瓊盃泛蠟雲於臺甌語絕塵而弥新見喪

形而莫窮戒者儼若而氣嚴寧憂聲色之搖精定者兀然而意  
消寧憂夢想之馳情任斯道以何慙斷此生於已畢仰祖風而  
敬承反世習以增修差百年之須臾悼万物之流轉看達禪而  
慮夷聽宿因而志休寄天真於無著釋人非而不報樂造空而  
復遺靜遇緣而益篤訪高蹤於草堂尋秘文於石室觸祥光而  
視明覽異香而思幽蓮復種而道興世屢更而輩存究羣岷之  
殘刻想英標於曠代泯古今以性空會精神於世表亦願安於  
淡泊雖欲去而非個是可寄者耶倚欄而南頭豈特發天雲謁  
合散樓閣隱顯日暖香爐紫煙初動春暄靈谷錦繡乍張臺上  
月明空懷古往蓮花長在猶想清風雙劍倚空夢緣欲斷因其  
名象而有感焉是可玩者耶世之所貴不在乎此而謂昔也大  
乘道士不為之先今也肉身大士不為之應則等山水耳夫壤  
為之拙泉虎為之鳴溪雷為之運材山為之告幽水為之見象  
以其有人寓焉而已矣崔顥言寺以山山以遠能具天下之藏



未之盡也吾言摠以時遠以摠然後其美具焉何則佛之所在  
律者造之以清淨以行進者也禪者契之以解脫以慧入者也  
行无慧不立慧无行不生其極則一耳豈復有禪慧之校哉師  
无常人學者不能有所折衷据依是故律之屬徒戒者有之矣  
悟明至焉或流而為專愚刻深論禪者則曰彼高明通達則然  
矣精一亮信未必至也禪之屬徒說者有之矣實非至焉或流  
而為機巧辯給論律者則曰彼堅忍執守則然矣洞達妙用未  
至也二者之類豈盡於天下佛之教益不明東晉之俗溺於虛  
無之間險阻放蕩未能以真一特立然後以知慧為應則遠師  
安得不以律學行於世哉講譯雜論者明法性大智開引迷誤  
自與弃世遺棄之士立誓持戒精忠懇惻養素疑重相期於絕  
域而於已後之人不傳其心遂其名迹而學之與至真者之弊愚  
學戒者之弊列理同要也則摠師安得不以禪學行於世哉攝  
衣外座示人妙道之行極其流落解其束縛中道兩邊而求之

無適也無莫也悟其言而行至學禪之失有實而學禪之弊有  
救此亦遠師有待於撫者歟二人相望於七百載之後適丁斯  
時物之道遂行而遠之法益著有數存焉耳故予喜其寺以山  
山以遠遠以撫撫以時四者之緣及乎龍興之世而會焉乃得  
而記之孟夏之十五日記成於見室

黃州安國寺記

東坡先生

元豐二年十二月余自吳興寺得罪上不忍誅以為黃州團練  
使使思過而自新焉其明年一月至黃舍館粗定衣食稍給閑  
門却掃收召魂魄退伏思念求所以自新之方友觀從來鑿意  
動作皆不中道非獨今之所以得罪者也欲新其一恐失其二  
觸類而求之有不可勝悔者於是喟然嘆曰道不足以御衆性  
不足以勝習不鋤其本而耘其末今雖改之後必復作蓋歸誠  
佛僧求一洗之得城南精舍曰安國寺有茂林脩竹陂池亭榭  
間一二日徜徉其中香默坐深自省察則物我相忘身心皆空

罪垢所從生而不可得一念清淨潔汗自落表裏儼然無所  
附麗私竊樂之且往而暮還者五年於此矣寺僧曰維運爲僧  
首七年得賜衣又七年當賜號欲謝去其徒與父老相率留之  
連笑曰知足不辱知止不殆卒謝去余是以媿其人七年余將  
有臨汝之行連曰寺未有記具石請記之余不得辭寺立於唐  
唐保大二年始名護國嘉祐八年賜今名堂宇齋閣連嘗易名  
之嚴麗深穩恍可人意至有忘歸歲正月男女萬人會庭中歌  
食作樂且有瘟神江淮舊俗也四月六日汝州團練副使員外  
郎眉山蘇軾記

薦誠禪院五百羅漢誌

東坡先生

熙寧十年余方守徐州聞河決瀘洲入巨野首灌東牟吏民皆  
懼不知所爲有僧應言建策鑿清冷口道積水北入于古廢河  
又北東入于海吏方持其議言彊力辯口慨然論可決狀甚明  
更不能奪卒以其言決之水所入如其言東牟以安言有力焉

眾欲爲請實言笑謝去余固異其人後二年移守湖州而言自  
鄆來見余於宋曰吾鄆人也少爲僧以請爲事始錢公子飛使  
吾創精舍於鄆之東阿北新橋鎮是造鐵浮屠十有三級高百  
二十尺既成而趙公叔平請諸朝名吾院曰薦誠嚴無僧以守  
之今將造五百羅漢像於錢塘而載以歸度用錢五百萬自承  
相潞公以降皆吾檀越也余於是益知言具有過人者余自黃  
州遷于汝過來而言適在焉曰像已成請爲我記之烏率士以  
功名爲貴然論事易作事難作事易成事難使天下士皆如言  
論必作作必成者其功名豈少哉其可不爲一言

新刊 國朝一百家名賢文粹卷第二百二十四

新刊 國朝一百家名賢文集卷第一百十五

記

寺觀記二

成都天寧寺轉輪藏記 庵峰居士

有居士者家住庵峰信脚閑行五湖四海作家相見不免舊藤  
且道葛藤還有過否靈山古佛四十九年說偈說經如瓶注水  
少林老子面壁無言隻履西歸一籌不獲方諸饒舌互立門庭  
殃及兒孫到今未了庵峰个裏一味葛藤不是瞿曇云不非達磨  
有人透得許汝同來若也無人歸堂打睡有善知識号元靜師  
聞居士言特伸一問事無一向古語有之從上老人隨緣出世  
本場提倡豈得已乎不得已中無非三昧我所住剎賜榜天寧  
祝我聖人億萬歲壽凡我佛事種種莊嚴其取莊嚴有大輪藏  
是輪藏者誰始圖之曰純曰師實主募事守耳惟選暨彼宗化  
為自出力鳩構滋辦治範與勤閱三住持藏則成就如地中湧

鑄鑊鑊鉤匪金則碧海神四旋天人挾持黃卷赤軸函帙麗好  
吹大法螺擊大法鼓唱百琅琅作薄伽梵卡時巨輪其運如風  
蜀清信衆若稚若艾或合其爪亦或胡跪歡喜踴躍歡甚希有  
我所住刹有是勝緣居士云何不宣此義士則語靜其諦聽之  
我於過去無數劫中有一比丘問轉法輪我於爾時畫一圓相  
比丘擬議以杖趁之目瞪口呆轉法輪竟若圓相是安用藏為  
若輪藏非正楷板漢然雖若是我且置之隨言結緣為藏作記  
願此輪藏常轉不停如天健行日月久照佛祕密語亦復如是  
以如是故獲大饒益上讚君父願我君父與天齊休如日之外  
如月之常如西方佛其壽元量靜從坐起曰未曾有公作是言  
契我佛旨崇寧乙酉斯藏圓滿政和辛卯乃克論以時節因緣  
何可思議請錄公語歸而刻之政和元年十月十日庵峰居士  
吳拭撰

牛頭山三大寺年其中其上曰廣化其麓曰天寧羅漢皆禪苑也獨永福為院二子有三衲子律居其來久矣雖隔如蜂房放紛如蟻聚賢麗獲濁如蘭闐大不稱僊釋經行熱坐之所有大長者曰宇文公右丞適臨此邦因公去之言上章得請輩而為禪又命大法師曰惠廷主之夷拓隘陋翦勦荒穢纒幾年寺之成者十四五矣時其在幕寮又十年以憲節再來寺之成者十七八矣獨寺門當靈慈殿後閣經營鳩集既已權輿而惠廷化去了丈繼之合头收燼數年之間一衲而就於是崇樓傑觀間見層出金碧丹雘照映宮谷佛事殊勝敷讚希有閱三十年而寺大成遂為西南之冠焉乎盛哉惟潼川山自甘泉長平北走而西北為一山峯是為牛頭若飛而來前而卻距城西譙門才數十步峭拔森嚴超出塵表自皇華嚴經所載華陽国土諸菩薩衆於中止住者幾是乎由累以來靈光瑞應隨感昭著播諸傳聞灼然不訛而永福一寺歷千百載始得合為淨刹夫豈有所待耶

抑聞之混淪肇判乃有此道乾坤奠位便有此山佛之道与吾  
儒之道同佛之教与吾儒之教真其素所譚与周易論語諸書  
所載實義時有暗合處周孔聖賢聖果有以異乎抑无以異也獨  
其流自為門戶如水炭如火黨同伐異不勝其紛然矣曷不  
觀於武帝崇奉佛教捨身為奴令古无有而佛之道初不加益  
唐武宗毀經書壞佛寺復僧尼為民而佛之道亦不加損道亘古  
而獨存者也其教之行否則繫乎時閔乎數有主之者存焉今  
牛頭聖賢之居靈異如是而求福乃僅齋泊沒於千年之前而尤  
明煥散於百代之後道有顯晦廢興隨之故曰易之興也其於  
中古乎作易者其有憂患乎蓋歎之也了文以某三至此邦親  
見始末巖石求記故備及之寺始闢于建炎庚戌成於紹興壬  
午宇丈名粹中字仲達惠遷邑人也隆興二年甲申五月朔旦  
端明殿大學士左中大夫知潼川軍府提舉學事兼管內勸農  
使提舉潼川府果渠州懷安廣安軍巡檢兵甲盜賊公事彭山



縣開國伯食邑八百戶實封二百戶楊某記

台州金像寺經藏記

定庵居士

堯舜三代之世未始有佛當是時也教民於變比屋可封鬼  
知好德游女元犯礼四十余年刑措不用所謂五戒千善盡入  
人皆然尚何待佛言耶叔世道衰薄風彫喪亂垂橫目弃性命  
真情遂死生大幻幸心動意作衆惡業貪嗔邪僻凶險惡詐非  
唯道德礼義難以教詔雖刑罰亦不能禁矣由是佛法自漢明  
時始入中國觀其圓融妙理冥會真如不即不離非空非有固  
非世俗所易曉了至於論元常苦空不靜則能使人生厭離  
心論因果報應三塗八難冤對仇讎則能使人生恐怖心論諸  
佛菩薩清淨涅槃安樂世界則能使人生向慕心開方便門示  
真實相譬喻言詞種種因緣无非引導群生出於迷塗故雖頑  
冥得暴之徒與婦人女子最難化者一聞是說莫不變心易慮  
改惡從善況其易化者乎由是以言佛之有益於後世多矣雖

然摩騰法並初來教法甚微至晉宋齊梁隋唐間傳譯稍多故  
經律論等有五十四卷部帙浩繁為其徒者沒世窮年尚  
不能周覽徧觀俗人固可知矣其間有晉然不辨字畫不曉義  
理必欲責其一讀誦受持受不可得於是異人閔然創輪藏  
法肇自雙林稍及諸處為圓屋六面用五百餘函分置諸經運  
之以輪俾一切人等但能發心施財於剎那間周旋三匝則與  
披閱大藏真詮等無有異用以易舉方難窮之經其為方  
便豈不大哉台州仙居縣金像寺在五季號聖佛本朝賜額  
為宣和辛丑廢寇竊焚於盡幸有傳教僧寶覺大師德淳  
與祖照大師日珣并靈升日平等相與出力募眾建殿宇廊廡  
總六十餘間靖康丙午七月乃始造藏度地之善揀工之良刻  
雕以旃檀栴檀以金漆制作精巧規模宏壯或書寫或印造凡  
諸佛聖賢所說妙法皆藏于中推而行之有八大德神守而衛之  
有諸天龍鬼神自瞻仰衆口稱歎一方偉觀無以過此余竊由

諫省謫官將赴合陽夜宿寺中淳等巧文以記嘗書片紙許之  
既而奔走道路忘其言今年叨卧墳山淳忽來謁且曰楚雖有  
去得黃金百不如得李布一諾季將軍猶得此齊梁楚聞司諫  
忠貫日月誠通神明烏有不實語哉藏既成敢請文焉余不得  
辭為書其大槩俾復自言寺少莊產而多僧徒又當通衢往來  
衝衝元以贍給為此藏者非有以鎮重精藍流通大教蓋亦欲  
積其遺貲稍稍辦二時粥供然妙事躋大德淳老矣恐一旦奄  
忽不能畢其志方且尤之余告之曰古人作事患用心不堅不  
患不成矧佛力甚大天神護持每見釋子輩有所興作无不遂  
者師其勉哉他日事成未成但使此心与此大藏輪轉不已則  
雖一身之亡必有同吾心者續之福利縣縣何時而慶邪紹興  
元年十二月日記

廬山重建歸宗禪寺記

王臺先生

廬山不見於禹貢周有匡先生者結廬此山故名匡廬在  
彭蠡之北大江西南二江之間周圍二百余里其勝處殆  
不可勝紀皆昔賢棲隱之地至晉宋後為浮屠氏所占歸  
宗本主義之宅也咸康九年義熙之為江州刺史始置寺以  
處梵僧卽連耶舍尊者至唐至曆中僧智常輩律為禪祖  
号赤眼禪師自為寺至今幾千年寺之屋宇知經幾成壞  
矣建炎庚戌遭巨盜火蕩无孑遺自是為荆棘瓦礫之場  
更西主僧与其徒十數皆廬於菜園凡八年紹興戊午今  
長老守明始來一見歎曰寺不可不興也乃率其徒勤力  
行化作文室寢堂及僧寮厨庫等未三月徙居之明獨入  
也甲子歲賞以罪出守益昌舟過九江特來見明明曰寺  
今興矣法堂比已畢工殿廡三門僧堂香積不日亦成矣  
請為我記之賞以謂凡作事者患其无志有志矣患力不  
強明可謂有志而強力矣寺之興也固宜然嘗聞浮屠氏

之言有為皆幻也其壞也必成其成也必終於壞此生滅法也  
成壞皆空無足言者如來昔以佛乘因佛子根性分別說三譬  
如大珍寶欲得之者經歷險道行者疲倦中道而反有一導師  
化作一城使得休息而所作城湏臾變滅復使之行誘而進  
之至於佛乘致珍寶處佛說二乘亦復如是今明所建立亦  
猶導師之化城也佛子遊於斯息於斯莫作住想精進不已  
超入覺地則亦何患成壞之為幻也哉四月一日眉山王實  
記

廬山棲賢寶覺禪院僧堂記

穎濱先生

元符三年余得罪遷高安夏六月過廬山知其勝而不敢留留  
二日涉其山之陽入棲賢谷谷中多大石石叢業相倚水行石  
間其聲如雷霆如千乘車行者震掉不能自持雖三峽之險不  
過也故其橋曰三峽渡橋而東依山循水水平如白練橫觸鉅

石隄為大車輪流轉涵湧窮水之變院據其上游右倚石壁左  
俯流水石壁之趾僧堂在焉狂峯恠石翔舞於簷上老松竹箭  
橫生面植蒼檜相糾每大風雨至堂中之人疑將壓焉問於習  
廬山者曰雖茲山之勝棲賢蓋以三數矣明年長老智遷使其徒  
東遷謁予於高安曰吾僧堂自建始及今六十年矣瓦剝木朽  
無以待四方之客惠遷能以其勤力新之完壯遂密其復其舊  
願為文以誌之余聞之求道者非有飲食衣服居處之求然使  
飲食得允衣服得完居處得安於茲求道而無外據則其於為  
道也輕此古之達者所以必因山林築室廬爨粟以待四方  
之游者而二遷之所以真力而不懈也夫士居塵垢之中紛紜  
之變日構於前而中心未始一日忘道而况深山之崖野水之  
根有堂以居有食以飽是非寵辱不接於心耳而忽焉不省也  
哉孔子曰朝聞道夕死可矣今夫馳騫乎世故而不聞大道雖  
勤勞沒齒余知其無以死也苟一日聞道即死無餘事矣故因

二遷之意以生口其來者夫豈無人也哉

象耳山重修太平興國禪寺記

井室先生

大雄出現象教流行無一塵不曉之惜其劫火洞然大千俱壞  
無一塵不與之偕滅一古一今成壞相尋一成一壞興廢更代  
是皆寢息之耳之學迷於目睫之論焉不知未有天地已有此  
道道自古以固存而寢未嘗亡也成壞乎哉興廢云乎哉大  
通之崇奉亦勤矣於道无纖毫之加曹昌之除毀無遺力矣  
於道无纖毫之損韓文公主盟吾儒著述原道至欲火其書廬  
其居人其人垂世立教有為而言猶未免拘於成敗之迹而不  
耶常有之道安得圓機之士而與之共議此理以究其本原者  
耶象耳山錢鐸故宅因為初提其來遠矣前為初子之所律居  
後為禪客之所宗唱因蓮之年代封標之禁約古迹之有先前人  
之亦備矣爰自更為十方主者數易叢林權輿故未其備不

幸而有一法周者從而隨之自是山門不振者三十年而有一  
緣覺與果叶力左提右挈頓還舊觀又二十年最後得令住持  
法念主之輪奐結架金碧絢爛遂為中品九頂相甲乙焉呼亦  
可尚矣客曰此一剎耳得其八刻勃興非其人則委地在河沙  
世界不蓋一塵小小成壞何足指出公方區區然世俗之見而  
致廢興之由以廢興之由而發葛藤之論出言愈繁去道愈遠  
其不見笑於大方之家者幾希予自是固然矣蜀不曰子死不  
言則小子何述焉客曰唯唯於是書以為記年月日

潼川府牛頭寺羅漢閣記

東山先生

潼川牛頭之崗來自左綿龍尾疊嶺連阜曼延相屬抵府城西  
崛起如巨牛狀圖經所載以是得名而聖賢之所窟宅則見於  
大華嚴經可致不誣於是鍾梵響基靈像攸設為屋千楹而院  
分為三求福峙其首廣化跡其脊洞明出其左青金碧燦然絢  
映山谷而羅漢閣橫凌千步碧瓦綺疏顯隱於千楹翠幃間尤



爲殊勝其上設千身羅漢大小各半古貌梵相凜然可畏其所  
罕有而善行方便勸道群情應供示現靈響昭著茲乃祈求豐  
稔禱禳災沴禱予求名凡百所爲隨願即應蓋其躬受佛勅色  
身住世寔爲世間大慈之父無間戒華捷若影響况慈靈山真  
賢收訖哉歲癸酉夏六月大雨霖二江漲溢漂沒城郭居民保  
此山獲全者以數方計而水噴山麓礎石亂墜閣柱旣傾巨石  
所支故不得壞道人法周來住此山寔洪水之後院界簞廬寸  
田粒粟以爲旦暮之儲魚鼓一鳴千鉢雲集周以道行信於邦  
人僅能粥飯其衆故於繕修未完也乃者四月既望甘露降於  
山顛明日羅漢現於閣下石壁天光下臨縹緲如畫或十或五  
挑包荷言牽虎豹龍象往來不絕閱三日而後止遂巡觀觀作  
禮謹呼得未曾有於是府尹直閣胡公以五千萬錢助修閣費  
而壇施輻湊相與推慳破吝競捨所有以供其役未閱月而像  
閣頽基得堅好如初閣之修也某適赴調外銓館于是院親見

其事周曰請為我記之某應之曰諾夫名山大川莫非洞天福地茲山是已智者信之凡夫疑焉以為最賈迫矣非聖賢棲隱之地是大不然昔清辯擲斧投巖待弥勒之下生阿難運神入隙赴迦葉之結集由是言之色身先礙人自礙耳惟大阿羅漢結習已盡雅錫躡虛游行變化天宮海藏時或至焉況山石乎夫以億方阿羅漢而會于一山不為不足若維摩丈室能容三萬二千師子之座以一阿羅漢微塵之性而包含大千世界不為有餘若楞嚴以大地山河為性海中之一物是知法身妙用大包小攝圓融无礙與虚空等釋氏之談於是為至吾儒至誠不息而終至於配天地覆載万物若合符節矣何獨於釋氏而疑之故併書以祛後惑若夫斲土木之工記繕粟之用亦細事爾茲可得而略之紹興二十九年十二月朔何某記

嘉州興化禪院記

西山先生

道其難哉以佛之勝於孝也其宮室入山林投身以施餓虎割

肉以飼飛鳥而无所愛况其下者是以用志堅苦之士感功力之勤得未曾有必涕淚悲泣故經曰一切煩惱為如來種然大迦葉一笑而得之何哉其理固也佛不易以語人者唯艱難乃可信愛而後世之弊卒不能免樂空言之鼓吹畏寔行之桎梏至无所畏忌則曰我何心焉在佛氏法中當下无間之獄者長老道全惠信端亮人也其求道甚苦其護戒甚嚴昔居洪雅山中有何人殺女子棄其尸於寺園官收寺家奴為盜必使誣伏全為辨數不置則身言曰殺人者我也奴无罪攝衣就逮其盜恍惚若被駢逐輒自論道全乃出其於死生禍福不動如此作諸難事笑談而成嘉州西山二山匯其下木杳竹个映帶遠近有唐人登臨之遺跡興化院據其上游且廢矣道全過之嘆曰福地不可弃也用數年之功樓居殿室煥若一新或謂道全其安於此乎院既成乃授今長老紹元而去嗚呼賢哉予愚世之孝佛者多矣其師之美意若道全亦可觀已它日紹元請於予

載院之興廢將刻之石會子於道全欲有紀也故書年月日同  
南邵博記

廣安軍羅漢洞碑

方舟先生

惟皇朝以孝治天下貴人子以及人之親禮也先是故樞密安  
公處厚乞廣安軍之高寺以為香火墳域地詔可賜名慶源報  
德俾安氏子孫因佛以思孝於其親因親以効忠於其國永永  
其世之所自以无敢失墜者此羅漢洞之所由以建也洞自宣  
和迄今守者三傳羅漢廣權與之於其始僧圓昭大之於其中惠  
融又成之於其終皆推祖羅漢以為佛事佛事既盛而羅漢之  
靈感益著蓋三人者定力所孚而安氏子孫孝誠所格也且為  
佛之說曰方法以一心為本而心之所入有迷有悟迷悟去者  
猶飲之有醒醉也醉而醒孰若初不醉迷而悟孰若初不迷佛  
氏立万法於根塵色相之林是初不醉不醒也且鋟木範金鑲  
堅揅塗而喜怒剛柔肥瘠白黑天人相好無一不具是其抵塵

色相中事雖太空茫茫一法未立而天地日月山河草木有移  
有賞曰復膠膠擾擾與吾一心焉聞是在迷悟也迷悟在我何  
預於人一心中主方法隨應而洞中問津者始接迹如祇園變  
燭之焦矣按佛未寂時有云十六比丘又有云五百比丘又有  
云一千二百五十比丘此則羅漢也自阿難迦葉而下雖藥王  
藥上入菩薩道者未有不梯級阿羅漢而漸次果位者吾將以吾  
之一心有求於佛未即得而一千二百五十大士者又且役役於  
吾之夢寐飲食精莖英靈日與吾接如鍾鼓吾響譬如燈火捕影  
善惡心福業未爽一髮此以心感心法也易之論性盡矣孟子謂  
心為盡場子謂心為神吾儒所求於佛者如是至其所迷悟則  
門牆堂堂之嚴學者不可以馴致自其盡者神者以及於性佛  
於人不遠况羅漢乎隴西李方敬以其法偈而碑之其詞曰  
洞天漂緲風日雲千二百士自來去執搏虛空了無物觀所感  
者如河沙積真無坐不動尊千二百士法如是留形不叙佛所

屬沉冥之海一葦杭是故昭顯父子心心出一心幻三昧多多  
取辦百千力乃至兆億指五輪丹青金玉龍鳳姿有面不同如  
一佛我今觀心四果向凡百有位臣子同惟思惟孝極君親仙  
山不磨想嚴世

眉州多悅鎮寶華寺藏經殿記

金華先生

凡道之見於言者非道之正也言愈多而道愈遠聖人蓋憂之  
矣曰吾道一以貫之則言雖多而道未嘗不一然指一以爲道  
可乎佛氏猶恐學者之縛於一也斷真如之無寄會至理之有  
歸所而非一約不二門闢圓覺義是以廣說八萬四千法而  
曰吾說法四十九年初無一字與人由此觀之聖人之於言有  
所不得已而非道之正也故曰能近取譬可謂仁之方也已方  
者固於能所者也言而不固於能所雖聖人不能也然則不固  
於能所者斯道之正也正者不可以言言也一藏教特假方便  
以設喻爾曰如此學者將安所自入耶聖人孔子曰吾有知子哉

無知也如來曰我於阿耨菩提實無所得以孔子之無知也  
之無得則十信十住十行十回向乃至十地僧祇精進三乘功  
用莫非有漏果也願尚可於聖人不得已之言區區刻舟記劍  
也哉使學者如孔子以無所知故而知如來以無所得故而  
得八憲玲瓏六塵清淨則恒河沙界滿於其中所有妙經鼻端  
一嗅皆我受用而況一藏教乎若無始情解纒羣未除雖半句  
偈緣念和合增上妄業是即名爲輪迴生死根本烏摩伊尹以  
一夫不獲爲辜而如來以一衆生未成佛不取涅槃予於是知  
聖人慈悲願力所以屢後世其不得已而有言又未嘗不一也  
去年秋予經塗多悅鎮鎮之東有寺曰寶華因休行坐焉見新  
所創殿甚巨巋問其工役之自主僧又悟曰悉出於鎮人劉章  
用錢五伯萬有奇當龍寶舊有藏經于其中予故心善之既歸  
未幾郡之勝果院僧楊昶乃來請曰劉君亦揚祖檀施也經殿  
落成矣以揚祖尊聞縮訓於門下敢實緣巧文爲之記述書孔

子如來不得已而有三之意俾劉君鑑諸石以遺學者庶於無  
所知故而知無所得故而得則劉君建立之功不爲虛設云殿  
起於紹興丙辰之正月始手於庚申之九月其年十月乙巳日  
眉山程某記

新刊 國朝二百家名賢文集卷第二百二十五